

IIB MA GALO

# F'AAFINTA RASMIGA AH

الرسمية



الجريدة

Snanadka 13aad Mucdisho 1da Disember 1985 L. 12

الجمهورية الصومالية الديمقراطية

جمهورية الصومال الديمقراطية

جريدة شهرية

**QIIMADU:** waa 5 shilin lambar waliba — **RUKUNKA:** Samadii waa Sh. 100 Soomaanya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qoritaanku F. R. hakiil sadar iyo wazii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Raarta Rasmiga ee Lacagta waxaa lagu bixinayaa Xafiiska Ganshuuraba ee Wasaaradda Lacagta.

## K O O B N I I N

QAYBTA

KCWAAD

SHARCI

SHARCI L. 23 ee 3 Nof. 1985, Sharciga Kal-lumeysiga Soomaaliyeed.—

Bog; 767

SHARCI L. 24 ee 1da Dis. 1985, Oggolaasha ha Heshiiska Fududeysi iyo Horumarinta is dhaafsiga Ganacsiga ee ka dhexeeya Dawladaha Carbeed.—

» 775

QAYBTA

LABAAD

XEER

XEER MADAXWEYNAHA J.D.S. L. 42 ee 1da Dis. 1985, Meelmarinta Heshiiska Fududeynta iyo horumarinta is dhaaf-siga ee ka dhexeeya Daw. J. Carabta

» 776

SHARCI Lambar 23 Taariikh 30 Nof. 1985 Sharciga  
Kalluumeysiga Soomaaliyeed.

MADDAXWEYNAHA J.D.S.

ISAGOO TIXGELINAAYA: Oggolaanshaha Guddiga  
Joogtada ah ee Golaha Shacbiga.

WUXUU SOO SAARAYAA

Sharciga Soo Socda:

Qodobka 1aad

Micnayn iyo fasiraad

Ereyada hoos ku qoran haddii aan si kale loo mic-  
nayn waxaa loola Jeedaa:

1. NAFLEY BIYOOD: Waa Dhammaan Nafleyda ku  
nool Badda iyo Biyo Dhuleedka oo ay ku jiraan lo-  
hodka (oyster) qolofleyda (crustacean) Plankton &  
Aljigiga.—
2. RUQSAD: Waa Oggolaashaha loo fidiyey cid soo  
codsatay in ay Kalluumeysato, habeyso, ama ka  
Ganacsato Kalluunka iyo Nafley Biyood.—
3. KALLUUMEYSI: Waa qaab ama habab lagu daba  
yo Nafleyda Biyo ku noolka.—
4. KALLUUMEYSIGA HIDDAHA AH: Waa Kalluu-  
meysiga Xeebaha dhow oo loo adeegsado Doonya-  
ha yaryar (Huuriyada IWM).—
5. KALLUUMEYSIGA CASRIGA AH: Waa Kalluu-  
meysiga Badda Sare oo loo adeegsado Maraakiib  
iyo Farsamo Casri ah sida trawlka, Purseinka,  
IWM.—
6. XALLINTA IDAARIGA: Waa hab kasta oo lagu  
xalliyo dhibaato ama gef la galay oo Maamulka  
Wasaaraddu Go'aan ka gaaro.—
7. WASIIRKA: Waxaa loola Jeedaa Wasiirka Wasaa-  
radda Kalluumeysiga iyo Kheyraadka Badda.
8. ROYALIY: Waxaa loola jeedaa Qaybta Lacageed  
ama Badeeco oo uu bixjnayo Milkiile Markab si uu  
uga Kalluumeysto Bivaha Dalka Soomaaliveed.—

isla Qodobkan, Faqraddiisa Koowaad.

### Qodobka 2aad

#### Maamulka

1. Waajibaadka dhowridda, Ilaalinta, Horumarinta kalluumeysiga J.D.S. iyo Kontoroolka Guud ee Maamulka Sharcigan waxaa Mas'uul ka ah Wasaaradda Kalluumeysiga iyo Kheyraadka Badda.

2. Wasiirku wuxuu si qoraal ah u wakiilan karaa awood kasta oo Sharcigan siinayo Sarkaal kasta ama Shaqaale ka tirsan Wasaaradda Kalluumeysiga iyo Kheyraadka Badda.

### Qodobka 3aad

#### Xogta Kalluumeysiga

Wasaaradda Kalluumeysiga iyo Kheyraadka Badda waxay Ururineysaa tirakoobyada iyo xogta kale, isku duwidda, habeysaa soona saartaa Macluumaadka la xiriira Kalluumeysiga Soomaaliyeed.

### Qodobka 4aad

#### Horumarinta Kalluumeysiga

Wasaaradda Kalluumeysiga iyo Kheyraadka Badda waxay qaadeysaa tillaabo kasta oo lagu horumarinayo Kalluumeysiga Dalka Soomaaliyeed.

### Qodobka 5aad

#### Hababka Reeban

1. Cid kasta waxaa ka reeban in ay isticmaasho hab ama qalab waxyeello gaarsiin kara Nafleyda Biyo ku noolka sida Dilka, suuxinta, wasakheynta iyo Nafeynta oo ka imaan kara waxyaabaha qarxa Iwm.

2. Waxaa kaloo reeban in lagu haysto qalabkaas isaga ah goob Kalluumeysij.

3. Waxaa reeban in laga ganacsado ama lala kala

Qodobka 6aad  
Xiridda Biyaha iyo Xilliyada

Wasiirku wuxuu soo saari karaa amar qoraal ah oo lagu xirayo xilli Kalluumeysi, goob nooc qalab iyo nooc Kalluun ama Nafiey Biyood, amarkaasi waa in lagu sheegayo muddada bilowgeeda iyo dhammaadkeeda. Waxaa kale Wasiirku wax ku dari karaa ama ka dhimi karaa muddadaas iyada ah mar kasta oo ay noqoto lagama maarmaan.

Qodobka 7aad

Nidaamka Guud ee Ruqsadaha Kalluumeysiga

1. Wasaaradda Kalluumeysigu waxay ruqsad Kalluumeysi ku bixin kartaa Badda Dalka iyo Biyaha Gudaha Intaba.

2. Cid kasta oo dooneysa in ay ka Kalluumeysato ama ku beerto Kalluun Biyaha Soomaaliyeed waa in ay haysataa ruqsad Kalluumeysi iyo ruqsadda soo geli-taanka Dalka. Ruqsaddaasi ma quseyso dadka aan istimaalin Gaadiid Badeedka.

3. Wasaaradda Kalluumeysiga iyo Kheyraadka Badda markay sugto shuruudaha ruqso bixinta, codsada-ha waxay siinaysaa ruqsad Kalluumeysi waxayna u sameyneysaa ruqsadaha Sharcigan lagu bixinayo Dii-waan gaar ah.—

4. Ruqsadaha Kalluumeysiga waxaa lagu weydii-sanayaa codsi qoraal ah oo lagu tilmaamayo arrimaha Soo Socda:

- b) Magaca, Faahfaahinta Markabka, Calanka iyo Dekedda laga Diiwaangeliyey.
  - t) Magaca Milkilaha, Ijaartaha, haddii uu jiro, Kab-tanka Markabka (Naakhuude).
  - j) Lambarka Markabka.—
  - x) Faahfaahinta Kalluumeysiga uu soo codsaday Ar-jiluhu sida:
- D) Nooca uu doonayo in uu Kalluumeysto.

III. Goobaha wax soo saarka lagu dejinayo iyo Faahfaahinta suuqeynta, meesha ugu dambaysa uu aadayo iyo isticmaalka wax soo saarka.

IV. Goobaha uu ka Kalluumeysanayo.

V. Cadadda Kalluunka ama biyo ku noolka kale oo la qaban doono.

VI. Waqtiga lagu talo gelayo in ruqsaddu ansax ahaato.

VII. Faahfaahinta Kaaliyaha, Xannaaneynta, habeynta iyo magaca iyo ruqsadda Maraakiibta oo la hawlan.

kh) Faahfaahinta isla wadaag ama siyaabo kale oo dan Soomaaliyeed u soo gali karo howsha Kalluumeysiga.—

d) Xog kasta oo Wasaaraddu warsato si uu ku caddeeyo ama ku Faahfaahiyo Muraadkiisa.

r) In uu wato Damaanad Banki (Bank Guarantee).

5. Isbeddel kasta oo ku dhaca Markab la siiyey ruqsad, sida Milkiyad la wareejiyey ama la sii ijaartay waa in lagu soo wargeliya Wasaaradda Kalluumeysiga muddo soddon (30) beri gudahood ah.—

6. Markab kasta oo la siiyo ruqsad Kalluumeysi waa in lagu qoraa Markabka dushiisa iyo dhinacyadiisaba Lambarka ruqsadda, magaca Markabka iyo Dekadda uu ka Diiwaan gashan yahay.

### Qodobka 8aad

#### Wajibaadka Kalluumeystaha

Cid kasta oo la siiyo ruqsad Kalluumeysi waxaa ku Waajib ah:

b) Inuu dhowro Shuruucda Dalka iyo Xeerarka Wasaaradda.

t) Inuu keeno warbixin joogto ah oo ku saabsan Arri-maha Kalluumeysiga sida tirada, noocyada oo ay ku jiraan haraaga (bycatch) wax soo saarka, mee-

Qodobka 9aad

Cilmi Baaris

Wasiirka Kalluumeysigu wuxuu qoraal ahaan ugu oggolaan karaa cid kasta ama Markab kasta inuu sameeyo cilmi baaris iyo hawlo kale oo la xiriira macluumaadka Khayraadka Biyaha, isagoo haysta ruqsadda soo gelitaanka Dalka.

Qodobka 10aad

Kormeerka iyo Baarista

1. Cid kasta oo Kalluumeysanaysa waa la kormeerayaa lana baari karaa marka ay timaaddo baahi, ka sokow Hay'adaha Baarista, waxaa fulin kara hawshaas Gob. Deg. iyo ciddii kale oo loo xilsaaro, iyada oo markasta Wasaaradda laga haysto oggolaansho.

2. Marka ay sugnaato in loo gefay Sharcigan, eedeysanaha iyo Markabkiisa waa in la geeyo Dekedda ugu dhow ee Dalka.

3. Haddii Markab ku galo dambi biyaha Soomaaliyeed kana tillaabo Xuduudda Biyaha Soomaaliyeed waxaa laqala xaajoonayaa Dalka uu galay iyadoo la raacayo shuruucda Caalamiga ah.

Qodobka 11aad

Kalluumeysiga Hiddaha iyo Casriga

Wasaaradda Kalluumeysigu waa in ay dhiirri gelsaa Horumarinta Kalluumeysiga Hiddaha (traditional) iyo kan Casriga (industrial) iyo dhammaan amuuraha la xiriira, iyada oo la kaashaneysa Hay'adaha Dawladda ee ku haboon. Waxaa kale oo ay xaqiijinaysaa in aan Kalluumeysiga Casriga ahi dhibaato u geysan ama hakinin horumarinta Kalluumeysiga Hiddaha, iyada oo la qaadayo tallaabooyinka ku haboon oo isu dheellitiraya.

Qodobka 12aad

cigan wuxuu mudeysanayaa Ganaax Ciqaabtiisu u Dhexeeyso.

- b) Sh.So. 1000 ilaa Sh.So. 10.000 (tobankun) Huuriyada iyo Doonyaha Shiraaca leh ee aan Motoorka lahayn.
- t) 1. Sh.Sh. 10.000 ilaa Sh.So. 15.000 Doonyaha Motoorka leh ee quwaddoodu u dhexeyso 6 HP ilaa 30 HP.  
2. Sh.So. 16.000 ilaa Sh.So. 30,000 Doonyaha Motoorka leh ee quwaddoodu u dhexeyso 31 HP ilaa 60 HP.  
3. Sh.So. 31.000 ilaa Sh.So. 50.000 Doonyaha Motoorka leh ee quwaddoodu u dhexeyso 61 HP ilaa 100 HP.
- j) Sh.So. 1.700.000 ilaa Sh.So. 4.000.000 ama Lacag u dhiganta ee Ajnabi ah Maraakiibta 101 HP iyo ka Sarreeya.

Haddii Dembiga uu galay intaa ka cuslaado ama uu ku noqdo isla falkaas waxaa lala tiigsanayaa Xeerka Habka Ciqaabta Soomaaliyeed.

2. Cid kasta oo adeegsata ama ku isticmaasha waxyaabaha soo socda, waxay mudeysanaysaa Xarig u dhexeeya 3 ilaa 10 sano ama ganaax ah Sh.So. 5.000,000 ilaa Sh.So. 50.000,000 ama labada Ciqaab oo wada jira.

- b) U adeegsado waxyaabaha qarxa, Sunta, IWM.
- t) Ka Kalluumeysta ama ku haysta qalab goob laga Mamnuucay.
- j) Kalluumeysta Xilli Xir.
- x) Kalluumeysta Nooc Kalluun ama Nafley Biyood kale oo la reebay in laga Kalluumeysto.
- kh) Ku Kalluumeysato qalab aan loo ruqsayn.

3. Cid kasta oo iska indha tirta ama diidda inay keento Xogwaranka laga doonayey ama fulin weyda waajibaadkii Sharci ahaan looga reebay waxay mu-

baadkeeda iyo heshiisyada lala galay waxaa lagala noqonayaa ruqsaddii horay loo siiyey.

### Qodobka 13aad

#### Awoodda Xoojinta Sharciga

Awoodda Xoojinta Sharcigan waxaa u xilsaaran in fuliyaan Ciidamada Badda ee Dalka.

### Qodobka 14aad

#### La Wareegid

Qof kasta oo lagu helo dambi lid ku ah Sharcigan Ciqaab kasta oo lagu qaaday ka sokow waxaa lagala wareegi karaa qalabka, Motoorka iyo shey kale oo kasta loo adeegsaday in lagu galo Dambiga.

Waxaa kale oo lagala wareegi karaa dhammaan Kalluunka ama Nafley biyood kale oo laga helo Markab kasta oo dambiga lagu galay dushiisa.

Qaadista dambiyada ku xusan Sharcigan waxaa awood u leh Maxkamada Badbaadada Dalka.

### Qodobka 15aad

#### Xallinta Idaariga

Haddii gefka la galay uusan saas u cusleyn, Wasaaradda Kalluumeysiga iyo Khayraadka Baddu waxay ku xallin kartaa gefka iyadoo kala xaajooneysa ciddii ay Khuseyso Arrintu.

### Qodobka 16aad

#### Xeerarka

1. Madaxweynuhu marka uu dhegeysto talo soo jeedinta Wasiirka Wasaaradda Kalluumeysiga iyo Kheyraadka Badda, wuxuu soo saari karaa Xeer hoosaad lagu fulinayo Sharcigan.

2. Wasiirka Wasaaradda Kalluumeysiga iyo Kheyraadka Baddu wuxuu soo saari karaa Xeer Nidaamiye ku saabsan habsami u maareynta iyo horumarinta Kalluumeysiga.



**Qodobka 17aad**

**Dhaqangelinta iyo Tirtirid**

1. Dhammaan Sharciyada ka hor imaanaya ama aan la socon karin Sharcigan waa la tirtiray.

2. Sharcigani wuxuu dhaqan gelayaa 15 maalmood ka dib marka lagu soo saaro Faafinta Rasmiiga ah.

Muqdisho, 30 Nov. 1985

**MADAXWEYNAHA J.D.S.**  
(Maxamed Siyaad Barre)